

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренцијски савјет

ZAKLJUČAK
o obustavljanju postupka

Sarajevo
oktobar, 2023. godine



Broj: UP-06-26-3-013-40/23
Sarajevo, 24.10.2023. godine

Konkurencijsko vijeće Bosne i Hercegovine, na osnovu člana 25. stav (1) tačka e) Zakona o konkurenciji („Službeni glasnik BiH“, br. 48/05, 76/07 i 80/09) i člana 122. stav (2) Zakona o upravnom postupku („Službeni glasnik BiH“, br. 29/02, 12/04, 88/07, 41/13 i 53/16) u postupku pokrenutom po Zaključku o pokretanju postupka broj: UP – 06-26-3-013-4/23 od 31.03.2023. godine protiv privrednih subjekata „BalegeM“ d.o.o. Gradačac, 6. bataljona bb, 75250 Gradačac, „Ceste“ d.d. Mostar, Ante Starčevića bb, 88000 Mostar, „DobojPutevi“ d.d. Doboj Jug, Usorska broj 130, Matuzići, 74260 Doboj Jug, „PZC Brod“ d.o.o. Slavonski Brod, Nikole Zrinskog 115, 35000 Slavonski Brod, Republika Hrvatska i „Roading“ d.o.o. Gračanica, Sprečanski put bb, 75320 Gračanica radi utvrđivanja postojanja zabranjenog sporazuma iz člana 4. stav (1) tačke a) Zakona o konkurenciji na 127. (stotinudvadesetsedmoj) sjednici održanoj dana 24.10.2023. godine, donijelo je

Z A K L J U Č A K **o obustavljanju postupka**

1. Obustavlja se postupak pokrenut po Zahtjevu Javnog preduzeća „Autoceste Federacije Bosne i Hercegovine“ d.o.o. Mostar protiv privrednih subjekata „BalegeM“ d.o.o. Gradačac, „Ceste“ d.d. Mostar, „DobojPutevi“ d.d. Doboj Jug, „PZC Brod“ d.o.o. Slavonski Brod, Republika Hrvatska i „Roading“ d.o.o. Gračanica“.
2. Ovaj Zaključak je konačan i bit će objavljen u „Službenom glasniku Bosne i Hercegovine“, službenim glasilima entiteta i Brčko Distrikta Bosne i Hercegovine.

O b r a z l o ž e n j e

Konkurencijsko vijeće Bosne i Hercegovine (u daljem tekstu: Konkurencijsko vijeće) je dana 21.03.2023. godine pod brojem UP – 06-26-3-013-1/23 zaprimilo Zahtjev za pokretanje postupka Javnog preduzeća „Autoceste Federacije Bosne i Hercegovine“ d.o.o. Mostar, Adema Buća 20, 88000 Mostar, (u daljem tekstu: Podnosilac zahtjeva) protiv privrednih subjekata „BalegeM“ d.o.o. Gradačac, 6. bataljona bb, 75250 Gradačac, „Ceste“ d.d. Mostar, Ante Starčevića bb, 88000 Mostar, „DobojPutevi“ d.d. Doboj Jug, Usorska broj 130, Matuzići, 74260 Doboj Jug, „PZC Brod“ d.o.o. Slavonski Brod, Nikole Zrinskog 115, 35000 Slavonski Brod, Republika Hrvatska i „Roading“ d.o.o. Gračanica, Sprečanski put bb, 75320 Gračanica radi utvrđivanja postojanja zabranjenog sporazuma iz člana 4. stav (1) tačke a) Zakona o konkurenciji.

Konkurencijsko vijeće je zaključilo da nije moguće bez provedenog postupka utvrditi da li postoje povrede Zakona o konkurenciji, te je u skladu sa Zakonom o konkurenciji na 119. sjednici održanoj dana 31.03.2023. godine donijelo Zaključak o pokretanju postupka broj: UP-06-26-3-013-4/23 protiv privrednih subjekata „BalegeM“ d.o.o. Gradačac, „Ceste“ d.d. Mostar, „DobojPutevi“ d.d. Doboj Jug, „PZC Brod“ d.o.o. Slavonski Brod, Republika

Hrvatska i „Roading“ d.o.o. Gračanica, radi utvrđivanja postojanja zabranjenog sporazuma iz člana 4. stav (1) tačke a) Zakona o konkurenciji.

Usmena rasprava u ovom predmetu je bila zakazana za dan 12.09.2023. godine u 11,00 sati, ali ista nije održana jer je Konkurencijsko vijeće je dana 11.09.2023. godine, pod brojem: UP - 06-26-3-013-36/23 zaprimilo podnesak punomoćnika privrednog subjekta JP „Autoceste Federacije Bosne i Hercegovine“, kojim isti povlači svoj zahtjev za pokretanje postupka, te moli Konkurencijsko vijeće da donese zaključak o obustavljanju predmetnog postupka protiv BalegeM“ d.o.o. Gradačac, „Ceste“ d.d. Mostar, „DobojPutevi“ d.d. Doboj Jug, PZC Brod d.o.o. Slavonski Brod, Republika Hrvatska i „Roading“ d.o.o. Gračanica u skladu sa članom 122. stav (2) Zakona o upravnom postupku, a u vezi sa članom 26. Zakona o konkurenciji.

Odredbom člana 122. stav (2) Zakona o upravnom postupku, na koji se poziva Podnosilac zahtjeva, utvrđeno je da kada je postupak pokrenut povodom zahtjeva stranke, a stranka odustane od svog zahtjeva organ koji vodi postupak donijet će zaključak kojim se postupak obustavlja.

U skladu sa naprijed navedenim, donijet je Zaključak kao u dispozitivu.

Pouka o pravnom lijeku

Protiv ovog Zaključka nije dopuštena žalba. Nezadovoljna stranka može pokrenuti upravni spor pred Sudom Bosne i Hercegovine u roku od 30 dana od dana prijema ovog Zaključka.

Predsjednica

Adisa Begić